

御纂醫宗金鑑卷七

編輯外科心法要訣目錄

腹部

幽癰

中脘疽

嚇癰

衝疽

臍癰 附臍中出水

少腹疽

腹皮癰

緩疽

腋部

腋癰

腋疽

黯疔

助部

助疽

淵疽

內發丹毒

脇癰 附疽

內癰部

肺癰 肺熱中吐血

大小腸癰

胃癰

脾癰

肝癰

心癰

腎癰

三焦癰

內癰總論

驗內癰法

御纂醫宗金鑑卷七

編輯外科心法要訣

幽

癰

圖

幽癰在臍上七寸



腹部

幽癰

幽癰臍上七寸生初小漸大腫硬疼甚思厚味火毒發咬牙寒戰毒陷攻

註

此證生臍上七寸初起如粟漸增漫腫疼痛形如鷲卵甚則堅硬痛萃胸肋由過食膏粱厚味憂思氣結腸胃不通火鬱成毒自內而外發也初起腫痛皮色未紅時若心煩嘔噦衄沉實者當疎火毒以絕其源宜內疎黃連湯服之炊腫痛甚邪氣實也宜服托裏散外用艾壯膈蒜片灸之衄見沉遲其膿未成用補中益氣湯托之衄見洪數其膿

已成用托裏透膿湯膿熱脹痛不潰係氣血虛也急用十全大補湯溫補之外兼用卧鍼開卧鍼者斜入斜出防傷內膜也或誤行汗下或誤敷寒涼以致腫而不潰潰而不斂者急用十全大補湯加乾薑附子以救之已潰朝寒暮熱者氣血虛也食少作瀉脾胃虛也胸痞痰涌脾肺虛也俱服六君子湯服後諸證悉退換十全大補湯調理即愈外治之法按癰疽腫瘍潰瘍門無論已潰未潰忽咬牙寒戰係氣虛不能勝毒毒陷攻裏之兆或潰後膿水忽多忽少瘡口如蠡吐沫者係內膜已透俱爲逆證

托裏散

金匱要略

卷之六

皂刺

金銀花

黃芩

牡蠣煨

當歸

赤芍

朴消

大黃

花粉

連翹各等分
去心

共研粗末每用五錢酒水各一鍾煎八分去渣服

方歌托裏散醫諸瘡毒腫甚熾疾煎服消皂刺銀花芩牡蠣歸

芍消黃花粉翹

內疎黃連湯見腫瘍門

隔蒜灸法見首部灸法


托裏透膿湯見頭部
侵腦疽

補中益氣湯

十全大補湯

六君子湯

即香砂六君子湯減去
藿香砂仁俱見潰瘍門



中

中 脘 疽

圖



中脘疽在臍上四寸

十全大補湯

此疽生于臍上四寸... 治法... 宜用... 宜用...

中脘疽

中脘疽由胃火生疔上四寸隱隱疼堅硬漫腫無紅熱不食嘔
噦毒內攻

註

此證一名胃疽發於心胸之下臍上四寸在腧經中脘穴

隱痛日久向外生疽堅硬漫腫皮色無紅無熱由過食炙
煇以致胃腑火毒而成人迎脈盛是毒氣攻裏作嘔不食
咳嗽膿痰者逆初宜服仙方活命飲色紫堅硬宜服山甲
丙消散膿勢將成內外治法俱按癰疽腫瘍潰瘍門若起
長膿遲或瘡不嫩痛者急用艾壯隔獨頭蒜片置患上灸

山甲之回陽

山甲內消散

穿山甲 三大片 炒

當歸尾

大黃

甘草節 各三錢

土木鱉 三個

黑牽牛

殭蠶 各一錢 炒

酒水各一鍾煎八分空心服渣再煎服大便行三四次方

食稀粥淡味調理

方歌山甲內消火毒積色紫堅疼中脫疽歸尾大黃殭草節木

鱉牽牛加酒宜

仙方活命飲 見腫瘍門

嚇

癰

圖



嚇癰生在膺上三寸

疔癰

疔癰七情鬱火成疔上三寸粟微紅暴腫焮痛二七潰頂陷色黑潰遲凶

註

此證由七情鬱火凝結而成生疔上三寸屬任脈經建里穴初如粟米癢痛相兼其腫迅速寒熱往來甚則嘔噦牽引臍痛初腫微紅頂尖根束漸透赤色時痛時止十四日潰膿者順若頂陷紫黑根脚漫腫面赤大渴脈見浮數而散大者逆內治與幽癰參考外治法按癰疽腫瘍潰瘍門

衝

疽

圖



衝疽在臍上三寸

印纂醫宗公證卷之二

編輯外科心法要訣

六

衝疽

衝疽臍上二寸生心火毒熾人腎紅高腫焮痛速潰吉若見七惡定然凶

註

此證生於任脈臍上二寸下腕穴一名中發疽又名壅腎瘡由心火熾盛流入腎經而成色赤高腫應在二十一日潰破膿稠受補者順初宜瘡科流氣飲或仙方活命飲消之膿將成時內外治法俱按癰疽腫瘍潰瘍門其證若平塌紫黑膿水清稀七惡證見者逆

瘡科流氣飲

見背部痰注發

仙方活命飲

見腫瘍門

臍癰圖

臍癰生在肚臍



臍癰

附臍中出水

臍癰毒發在臍中腫大如瓜突若鈴無紅無熱宜蒜灸稠膿爲
吉汚水凶

註

此證由心經火毒流入大腸小腸所致生於臍中屬任脈
經神闕穴此穴禁鍼腫大如瓜高突若鈴無紅無熱最宜
隔蒜灸之初宜服仙方活命飲加升麻消之便結實者內
疎黃連湯通利之將欲成膿內外治法俱按癰疽腫瘍潰
瘍門潰後得稠膿者順時出汚水臭穢者逆亦有臍中不
痛不腫甚癢時津黃水此屬腸胃濕熱積久宜服黃連平
胃散外用三妙散乾撒溼即愈當忌酒麪生冷果菜不

致再發若水出不止者亦屬逆

黃連平胃散

黃連 五錢

陳皮

厚朴 各三錢
薑炒

甘草 二錢
生

蒼朮 一兩
炒

共研細末每服三錢白滾水調服

^方歌黃連平胃散陳甘厚朴蒼朮共細研專除濕熱兼消積能

令臍水立時乾

三妙散

檳榔

蒼朮 生

黃蘗 各等分
生

共研細末乾撒肚臍出水津淫成片止癢滲濕又治濕癬

以蘇合油調搽甚效

方歌三妙散用栝榔蒼黃藥同研溲濕瘡蘇合油調治濕癬收

乾止癢效稱強

隔蒜灸法 見首卷灸法

仙方活命飲

內疎黃連湯 俱見腫瘍同

甘草

黃連

煎法

煎法

黃連

煎法

少腹疽圖



少腹疽

少腹疽

少腹疽生臍下邊證由七情火鬱纏高腫紅疼牽背易漫硬陷腐水膿難

註

此證由七情火鬱而生每發於氣海丹田關元三穴氣海在臍下一寸五分丹田在臍下二寸關元在臍下三寸皆屬任脈經此三穴或一穴發腫卽爲少腹疽高腫紅活疼痛牽背易潰稠膿者易治若漫腫堅硬綿潰腐爛膿稀如水者難治凡遇此證初起急用艾灸腫頂七壯至三七壯以痛癢通徹爲度宜服仙方活命飲氣實之人大渴便秘者宜服內疎黃連湯通利之老弱之人宜服內補十宣散

令其速潰若潰遲恐透內膜外治法同癰疽腫瘍潰瘍門

仙方活命飲

內疎黃連湯

俱見腫瘍門

內補十宣散

見胸部
癰瘰癧

腹皮癰

腹皮癰生腹皮內皮裏膜外腫隱疼腹痛不止膿成候證由膏
梁鬱火生

註此證生於腹皮裏膜外無論左右隱疼日久後發癰腫於

皮外右關脈見沉數而腹痛甚者是其候也由膏梁火鬱
而成初起壯實者用雙解貴金丸下之虛弱者減半用之
不應再服半劑凡下之後腹痛不止膿將成也急用托裏
透膿湯潰後與癰疽潰瘍門治法相同不可過用剋伐之
劑若希圖消散過傷胃氣則腫不能潰潰不能斂立見危
亡矣

雙解貴金丸

見腫瘍門

托裏透膿湯

見頭部
侵腦疽

[Faint bleed-through text from the reverse side of the page, including characters like 雙解, 托裏, 透膿, 湯, 見, 頭, 部, 侵, 腦, 疽]

緩

疽

圖



緩疽在少腹之旁

緩疽

緩疽脾經氣積凝小腹旁生堅又疼數月不潰生寒熱食少削瘦效難成

註此證由太陰脾經氣滯寒積而成生於少腹之旁堅硬如

石不紅不熱痛引腰腿數月不潰若兼食少削瘦者終屬

敗證不可棄而不治初宜服山甲內消散不應不可強消

徒損胃氣以十全大補湯加烏藥附子胡盧巴溫補之外

用木香餅熨之兼用獨頭蒜搗爛鋪於患上艾壯灸之以

知熱爲止次日再灸以或消或潰爲效若潰後卽按癰疽

潰瘍門治法

山甲丙消散 見中脘府

十全大補湯 見潰瘍門

木香餅 見乳部乳中結核

腋

癰

圖



腋癰生在腋肢窩中左右皆同

腋部

腋癰

腋癰暴腫生腋間腫硬焮赤痛熱寒肝脾血熱兼忿怒初宜清

解潰補痊

註

此證一名夾肢癰發於腋際卽俗名臈肢高也屬肝脾血

熱兼忿怒而成初起暴腫焮硬色赤疼痛身發寒熱難消

必欲作膿初宜服柴胡清肝湯外敷冲和膏疼痛日增宜

服透膿散加金銀花甘草節桔梗膿脹痛者鍼之已潰內

外治法俱按癰疽潰瘍門此證首尾忌用寒涼中年易愈

老弱之人難痊

柴胡清肝湯 見頭部

冲和膏

透膿散

俱見腫痛門

鴉片散

滋陰暴刺

如銀

如信

腋

腋疽生在腋肢為居甲醫破爛者為

疽



圖

此疽一發木直不名穴直與外汗效高玉中防此之病其

類

腋疽

腋疽初起若核形肝志脾憂氣血凝漫腫堅硬宜蒜灸日久紅熱潰先疼

註此證一名米疽又名疔疽發於肘腋窩正中初起之時其

形如核由肝脾二經憂思志怒氣結血滯而成漫腫堅硬皮色如常日久將潰色紅微熱疼痛也初宜艾壯隔蒜片灸法內服柴胡清肝湯加烏藥消之虛弱之人宜服香貝養榮湯外用烏龍膏敷之早治或有全消者遲則脹成宜服托裏透膿湯膿脹痛者鍼之膿出痛減隨患者虛實補之其餘內外治法俱按癰疽潰瘍門此證初終內外治法

禁用寒涼中年易愈衰老難痊

隔蒜灸法 見首卷灸法

柴胡清肝湯 見頭部鬢疽

香貝養榮湯 見項部上石疽

烏龍膏 見腫瘍門

托裏透膿湯 見頭部侵腦疽

翳

疔

圖



疔生在四肢高堅硬包紫核之如釘頭

此疔生於四肢高堅硬包紫核之如釘頭

黯疔

黯疔藏於腋下生肝脾火毒癢而疼寒熱拘急色紫黑急按疔門治即寧

註

此證生於腋下由肝脾二經火毒而成堅硬勢若釘頭癢而且痛寒熱往來四肢拘急其色紫黑煩躁作嘔痛引半身宜服麥靈丹其次內外急按疔門治之即愈

麥靈丹 見腫瘍門

肋

疽

圖



肋疽在肋條骨間堅硬色紫腫大如盂

圖
 疽
 在
 肋
 條
 骨
 間
 堅
 硬
 色
 紫
 腫
 大
 如
 盂

肋部

肋疽

肋疽始發屬肝經火毒鬱怒結腫形紫痛梅李甚如盤急宜鍼
砭免內攻

註

此證一名夾熨疽生於肋條骨間由肝經火毒鬱怒結聚
而成初如梅李漸大如盤色紫焮痛連及肩肘患在左痛
牽右肋患在右痛牽左肋二十一日之內膿潰稠黏者順
屆期不潰既潰出清水者逆初腫急宜磁鍼砭出紫血庶
免毒氣攻裏砭後赤腫痛甚煩躁衄實作嘔為有餘之證
宜服雙解貴金丸下之腫硬不潰宜服透膿散衄弱作嘔

此胃虛也宜服香砂六君子湯補之亦有痛傷胃氣而作嘔者卽同胃虛治之若感受寒邪及偶觸穢氣而作嘔者雖腫時尤宜壯胃助氣爲主蓋腫時作嘔因毒氣內侵者十有一二停飲內傷者十有八九惟醫人臨證詳辨之膿熟用臥鍼開之餘按癰疽潰瘍門治法

雙解貴金丸

透膿散

俱見腫瘍門

香砂六君子湯

見潰瘍門

淵

疽

圖



淵疽在腋下尋堅硬不紅

淵疽

淵疽肝膽憂恚成生於肋下硬腫疼潰破有聲內膜透未潰當服護膜靈

註

此證因憂恚太過以致肝膽兩傷而成生於肋下初起堅硬腫而不紅日久方潰得稠白膿者順如豆漿水者險瘡口有聲似乎兒啼此屬內膜透也即於陽陵泉穴灸二七壯其聲即止穴在膝臑骨外賺下一寸陷中蹲坐取之即得內外治法皆同筋疽凡肋胷脅腰腹空輒之處發癰疽者當在將潰未潰之際多服護膜散可免透膜之患

護膜散

白蠟

白及

各等分

共研細末輕劑一錢中劑二錢大劑三錢黃酒調服米湯亦可

方歌
護膜散內二味藥白蠟白及為細末或酒或以米湯調將
膿預服不透膜

內發丹毒圖



內發丹毒生於筋骨延及腰膀色赤如霞遊走如雲

白

白

白

夫丹毒之起由於血熱... 內發丹毒... 其初起... 紅腫... 遊走如雲... 延及腰膀... 色赤如霞... 此症之起... 由於血熱... 故宜清血... 解毒... 以消其毒... 則病自癒... 矣。

內發丹毒

丹毒肝脾熱極生肋上腰膀赤霞形急宜砭出紫黑血嘔噦昏
脹毒內攻

註

此證由肝脾二經熱極生風所致生於肋骨延及腰膀色
赤如霞遊走如雲痛如火燎急向赤腫週圍砭出紫黑血
以瘦牛肉片貼之羊肉片亦可其毒即可減半初服雙解
貴金丸汗之次服化斑解毒湯投方應病者順若嘔噦昏
潰胸腹脹滿遍身青紫者則為毒氣內攻屬逆

化斑解毒湯

升麻

石膏

連翹

去心

牛蒡子

炒研

人中黃

黃連

知母

黑參 各一錢

竹葉二十片水二鍾煎八分服

方歌 化斑解毒熱生風致發丹毒雲片紅升膏翹蒡中黃等黃

連知母黑參同

雙解貴金丸 見腫瘍門

脇癰圖



脇癰在肋骨下軟肉處

脇癰 附疽

脇癰焮紅高腫疼疽堅塌漫冷不紅皆屬肝膽怒火結遲潰敗
漿冷虛凶

此證生於軟肋有硬骨者為肋肋下軟肉處為季脇癰疽
二證皆由肝膽怒火凝結而成多生於體虛之人初如梅
李漸長如盃如盆色紅焮痛高腫二七潰破膿稠為癰若
堅硬平塌漫腫木痛不紅不熱月餘潰破稀膿為疽若失
治屆期不潰攻擊成膿腫如鼓脹破出敗漿腥臭膿者逆
癰疽二證初腫時俱宜急服柴胡清肝湯解鬱瀉火如已
成者服托裏透膿湯膿熟脹痛俱用臥鍼開之已潰以排

餘膿補氣血為要餘按癰疽潰瘍門治法投補不應者難


治

柴胡清肝湯

見頭部
賢疽

托裏透膿湯

見頭部
侵腦疽



五臟六腑



脾募中府穴

心募巨闕穴

胃募中脘

大腸募天樞穴

三焦募石门穴

膀胱募中極穴

小腸募關元穴

諸募穴圖



肝募期門穴

脾募章門穴

腎募戶門穴

膽募日月穴

卯集卷之六

編輯科山氏夏訣

三

內癰部

肺癰

肺癰肺熱復傷風肺臟生癰隱痛胸狀若傷寒燥欬甚稠濁痰涎腥臭膿未潰射干麻黃汗壅不得卧葶藶攻潰後膿稠能食吉膿清兼血不食也

註 此證係肺藏蓄熱復傷風邪鬱久成癰以致胸內中府穴

隱隱疼痛振寒脈數狀類傷寒咽燥不渴欬而喘滿唾稠

黏黃痰兼臭穢膿血也治之者於未潰時乘膿未成風鬱

於表者法宜疎散用射干麻黃湯以汗之如氣壅喘滿身

不得臥者急服葶藶大棗湯以瀉之如欬有微熱煩滿胸

中甲錯膿欲成者宜千金葦莖湯以吐之若吐膿腥臭形
如米粥者宜桔梗湯以排餘膿若吐膿腥臭欬而胸滿者
宜外臺桔梗白散以開痰塞若咯吐膿血兼午後身熱煩
躁宜金鯉湯主之兼飲童便若潰後胸膈脇肋隱痛不止
口燥咽乾煩悶多渴自汗盜汗眠卧不得欬吐稠痰腥臭
此係癰膿不盡而兼裏虛宜寧肺桔梗湯主之若癰膿已
潰喘滿腥臭濁痰俱退惟欬咽乾咯吐痰血脇肋微痛
不能久臥者此屬肺癰潰處未斂宜紫苑茸湯清補之渴
甚去半夏加石膏服之若癰膿潰後欬嗽無休膿痰不盡
形氣虛羸者宜清金寧肺丸主之凡治此證惟以身溫脈

細膿血交粘痰色鮮明飲食甘美膿血漸止便潤者為吉
若手掌皮粗潰後六脈洪數氣急額紅汚膿白血懶食及
大便結燥者為凶中府穴又名肺募在乳上第三根肋骨

開

射干麻黃湯

射干 十三枚
或三兩

麻黃

生薑

各四兩

細辛

紫苑

欵冬花

各三兩

大棗 七枚

五味子

半夏

各半升

水煎溫服

歌射干麻黃欵上氣肺癰喉中水雞聲射麻生薑辛苑夏五

味大棗並欬冬

葶藶大棗湯

苦葶藶

輕者五錢
重者一兩

大棗

輕者五枚重
者十枚去核

以甘水三鍾煎至一鍾服之

方歌葶藶大棗治肺壅欬不得卧有癰膿葶藶苦寒瀉實熱佐

棗之甘和胃經

千金葶藶

葶藶

二升

薏苡仁

炒

瓜

各半升即
冬瓜仁

桃仁

五十粒
去皮尖炒研

水煎服

歌方 千金葶藶肺癰欬微熱煩滿吐敗濁皮膚甲錯宜葶藶薤

苡桃仁瓜瓣合

桔梗湯

苦桔梗 一兩

甘草 二兩
生

水煎服

歌方 桔梗湯用排餘膿肺癰吐膿米粥形清熱解毒須甘草開
提肺氣桔梗功

外臺桔梗白散

苦桔梗

貝母 各三分

巴豆 一分
去皮熬研如脂

右三味為散強人飲服半錢七羸者減之病在膈上者吐

膿在膈下者瀉出若下多不止飲冷水一盃則定

歌方外臺桔梗白散方肺癰便秘服之良桔梗貝母與巴豆藥

微力大功速強

金鯉湯

金色活鯉魚一尾約四兩重貝母二錢

先將鯉魚連鱗剖去肚腸勿經水氣用貝母細末摻在魚肚內線紫之用上白童子便半大盃將魚浸童便內重湯炖煮魚眼突出為度少頃取出去鱗骨取淨肉浸入童便內炖熟內與童便作二三次一日食盡一枚其功效甚捷

歌方金鯉湯中效罕稀法同貝母活鯉魚童便浸魚重湯炖肺

癰煩熱善能醫

寧肺枯梗湯

苦桔梗

貝母

去心

當歸

栝藿仁

研

生黃耆

枳殼

炒

甘草節

桑白皮

炒

防己

百合

去心

薏苡

炒各八分

五味子

地骨皮

知母

生

杏仁

炒研

苦苧蘆

各五分

水二鍾薑三片煎八分不拘時服

欬甚倍加百合

身熱加柴胡黃芩

大便不利加蜜炙大黃一錢

小水澀滯加燈心木通

煩躁痰血加白茅根

胸痛加人參白芷

方歌寧肺桔梗肺癰著歸蓐貝殼甘桑皮防已百合葶五味杏

知苡仁地骨宜

紫苑茸湯

紫苑茸

犀角末

甘草炙

人參各五分

桑葉用經霜者

款冬花

百合
去心

杏仁
炒研

阿膠
便潤炒用
便燥生用

貝母
去心

半夏
製

蒲黃
各七分
生

引薑三片水二鍾煎八分將犀角末調入食後服

方歌紫苑茸湯參犀角欵冬桑葉杏百合阿膠甘夏貝蒲黃專

醫肺癰不久臥

清金寧肺丸

陳皮
白茯苓

苦桔梗

貝母
去心
人參

黃芩
各五錢

麥冬
去心
地骨皮

銀柴胡

川芎
白芍
炒

胡黃連
各六錢

五味子

天冬去心

生地酒浸搗膏

熟地搗膏

歸身

白朮各一兩炒

甘草三錢炙

右爲細末煉蜜爲丸如梧桐子大每服七十丸食遠白滾

湯送下

方歌清金寧肺丸肺癰陳芥桔貝參二冬柴芥歸芍黃連草木

味生熟地 骨芎

大小腸癰

大小腸癰因濕熱氣滯瘀血注腸中初服大黃行瘀滯膿成薏

苡牡丹平

註

此二證俱由濕熱氣滯凝結而成或努力瘀血或產後敗
瘀蓄積流注於大腸小腸之中初起發熱惡風自汗身皮
甲錯關元天樞二穴隱痛微腫按之腹內急痛大腸癰多
大便墜腫小腸癰多小水澀滯脈俱遲緊此時癰膿未成
宜大黃湯下之瘀血利盡若小水閉澀仍宜大黃湯加琥
珀末木通利之自效若癰成日久不潰身皮甲錯內無積
聚腹急腹痛身無熱而脈數者係腸內陰冷不能爲膿宜
薏苡附子散主之若脈見洪數肚臍高突腹痛脹滿不食
動轉側身則有水聲便淋刺痛者癰膿已成宜薏苡湯主
之腹濡而痛少腹急脹時時下膿者毒未解也宜丹皮湯

治之如膿從臍出腹脹不除飲食減少面白神勞此屬氣血俱虛宜八珍湯加牡丹皮肉桂黃耆五味子歛而補之患者轉身動作宜徐緩而勿驚慎之如躑延日久因循失治以致毒攻內藏腹痛牽陰腸胃受傷或致陰器紫黑腐爛色敗無膿每流污水衾幃多臭煩躁不止身熱噤乾俱屬逆證關元穴又名小腸募在臍下三寸天樞穴又名大腸募在臍旁開二寸

大黃湯

大黃

剉炒

牡丹皮

消石

研

芥子

桃仁

炒先以湯浸去皮尖雙仁勿用

右各等分共剉碎每用五錢水二鍾煎至一鍾去渣空心

溫服以利下膿血為度未利再服

方歌 大黃湯善治腸癰少腹堅痛膿未成牡丹皮與大黃炒茶

子桃仁消石靈

薏苡附子散

附子二分

敗醬五分

薏苡仁一錢

右為末每服方寸匕以水二合煎頓服小水當下三四云

薏苡附子同前敗醬用一兩一分每四錢水盞半煎七分

去渣空心服

方歌 薏苡附子散甲錯腸癰腹脹痛脈數附子敗醬薏苡仁為

末水煎空心服

薏苡湯

薏苡仁

栝蒌仁 各三錢

牡丹皮

桃仁

各二錢

水二鍾煎至一鍾不拘時服

方歌

薏苡湯治腹水聲腸癰便淋刺痛疼牡丹皮共栝蒌子還

有桃仁薏苡仁

丹皮湯

丹皮

栝蒌仁 各一錢

桃仁泥

朴消 各二錢

大黃 五錢

水二鍾煎一鍾去渣入消再煎數滾不拘時服

方丹皮湯療腸癰證腹濡而痛時下膿消黃丹萸桃仁共水

煎服之有奇功

八珍湯

見潰瘍門

胃癰

胃癰中脘穴腫疼不欬不嗽吐血膿飲食之毒七情火候治腸
癰大法同

註

此證初起中脘穴必隱痛微腫寒熱如瘡身皮甲錯並無

咳嗽咯吐膿血由飲食之毒七情之火熱聚胃口成癰

來沉數者初服清胃射干湯下之若脈潛滯者瘀血也宜

服丹皮湯下之。脈洪數者，膿成也。赤豆薏苡仁湯排之。體倦氣喘，作渴小水頻數者，肺氣虛也。補中益氣湯加麥冬、五味子補之。其候證生死治法，與大小腸癰同。中脘穴又名胃募，在臍上四寸。

清胃射干湯

射干

升麻

犀角

麥冬

去心

元參

大黃

黃芩

各一錢

芒消

梔子

竹葉

各五錢

水煎服

方歌清胃射干湯射干升麻犀角麥冬全參苓大黃芒消等竹

葉山梔胃癰瘡

赤豆薏苡仁湯

赤小豆

薏苡仁

防已

甘草 各等分

水二鍾煎八分食遠服

方歌赤豆薏苡湯最神甘已赤豆薏苡仁胃癰膿成蝨洪數二

鍾水煎服八分

丹皮湯

見大小腸癰

補中益氣湯

見潰瘍門

脾癰

脾癰濕熱瘀血凝章門穴腫兼隱疼腹脹噎乾小水短利下濕
瘀補收功

註

此證始發章門穴必隱疼微腫由過食生冷兼濕熱或瘀
血鬱滯脾經而成令人腹脹咽噎乾燥小水短澀初宜大
黃湯赤豆薏苡仁湯二方合而用之以攻滯鬱二便通利
腹脹全消宜六君子湯扶脾調理順逆看法與胃癰同章
門穴又名脾募在臍旁開六寸高上二寸

大黃湯

見大小腸癰

赤豆薏苡仁湯

見胃癰

御身醫宗金鑑卷十
六君子湯

即香砂六君子湯去藿香砂仁見潰瘍門

君子湯去藿香砂仁

肝癰

肝癰憤鬱氣逆成期門穴腫更兼疼卧驚眩滿溺不利清肝滋

腎卽成功

註

此證始發期門穴必隱痛微腫令人兩胛脹滿脇痛側卧

則驚便溺艱難由憤鬱氣逆而成初服復元通氣散次服

柴胡清肝湯痛脹已止宜服六味地黃丸脾虛食少則佐

以八珍湯滋腎補脾治之取效禁用溫補鍼灸期門穴又

名肝募在乳旁一寸半再直上一寸半

復元通氣散

見腫瘍門

柴胡清肝湯 見頭部鬚疔

六味地黃丸 見面部雀斑

八珍湯 見潰瘍門

心癰

心癰巨闕腫隱疼酷飲嗜熱火毒成面赤口渴身作痛治法陽

熱總宜清

註

此證始發巨闕穴必隱痛微腫令人寒熱身痛頭面色赤

口渴隨飲隨乾由心火熾盛更兼酷飲嗜熱而成宜服涼

血飲酒毒為病者宜服升麻葛根湯治之此證甚屬罕有

但治法不可不備巨闕穴又名心募在臍上六寸五分

即纂醫宗全監 卷七 編輯外科心法要訣 三 外

涼血飲

木通

瞿麥

荊芥

薄荷

白芷

花粉

甘草

赤芍

麥冬

去心

生地

山梔子

車前子

連翹

各等分
去心

引用燈心若潮熱加淡竹葉水煎溫服

方歌涼血飲善治心癰瞿荊荷芷草翹通赤芍山梔乾生地車

前花粉麥門冬

升麻葛根湯

山梔

升麻

葛根

白芍

柴胡

黃芩

各一錢

黃連

木通

甘草

各五分

水二鍾煎八分不拘時服

方歌

升麻葛根湯山梔酒毒心癰黃連宜柴芍通芩升葛草水

煎溫服不拘時

腎癰

腎癰腎經不足生京門微腫隱隱疼少腹肋下臏脹滿房勞形

寒邪外乘

註

此證始發京門穴必隱痛微腫令人寒熱往來面白不渴

少腹及肋下臙脹塞滿由腎虛不足之人房勞太過身形受寒邪氣自外乘之初服五積散加細辛寒盡痛止宜用桂附地黄丸調理京門穴又名腎募在身側腰中監骨下肋開

五積散

蒼朮 二錢 炒

陳皮

桔梗

川芎

當歸

白芍 各一錢

麻黃

枳殼 炒

桂心

乾薑

厚朴 各八分

白芷

半夏

甘草 生

茯苓 各四分

引薑一片水二鍾煎八分不拘時服

頭痛惡寒者加連鬚葱頭三個蓋卧汗出甚效

方歌五積散蒼朮陳苓麻黃半桔歸芍芎芷朴桂心乾薑草腎

癰寒邪服成功

桂附地黃湯 見瀆瘍門

三焦癰

三焦癰由濕熱凝石門穴上腫隱疼寒結治同腸癰法內癰俱係膜內生

註此證始發石門穴必隱疼微腫令人寒熱往來二便秘澀

由濕熱遇寒凝結而成治法與大小腸癰同凡內癰俱係

膜內成患外皮不腐石門穴又名三焦募在臍下二寸

內癰總論

凡人胸腹有十一募募者各藏府陰會之所也靈樞云發內癰
內疽者其本經募上肉必浮腫募中必時時隱痛浮腫爲癰隱
痛爲疽此卽內癰內疽之驗也茲內癰有治法內疽無治法何
也蓋內癰內疽其病原無殊惟在根淺根深之別耳根淺爲癰
根深爲疽若臨證用藥攻補得宜無不收效至募有十一而內
癰僅九證者何也蓋臍府形如膜皮無出無納汁清氣潔不生
內癰內疽若夫膀胱亦如膜皮中惟濁水故古今書籍並無講
及內癰內疽者是以未敢詳載雖然中極穴卽膀胱募也今人

間有中極穴或浮腫或隱痛者所見證候竟同小腸癰治法亦當按小腸癰治之可也俟後之學者留意焉

驗內癰法

凡遇生內癰之人與生黃豆五粒嚼之口中無豆味者是其候也